

Duana federala ha incassà tant sco anc mai

■ (rtr) L'administraziun da duana federala ha incassà l'onn passà 23,77 milliardas francs: quai è tant sco anc mai, ha communitgà il director general da duana a la duana a St. Margrethen, Rudolf Dietrich. «Sche nus discurren da cumbatter la cuntrabanda, lura manegein nus la cuntrabanda professunala e bain organisada», ha ditg Rudolf Dietrich. Tar victualias per exempel muntia quai cas nua ch'ins haja empruvà d'im-

portar illegalmain passa 200 kilograms victualias. Il 2012 ha la duana registrà raddund 7200 da quels cas e qua tras confiscà 1100 tonnas victualias fraudadas. Importà illegalmain han ins surtut fritgs e legums. Tar las cigarettas hai dà in augment da 39% cumpareglia cun l'onn avant. Dentant era dapli armas, documents sfalsifitgads e drogas sajan vegnids importads illegalmain l'onn passà. Il dumber da quels ch'emprovan d'impor-

tar drogas en il corp, uschenumnads «bodypackers», è s'augmentà l'onn passà per 40%. Da totalmain 192 curriers da drogas ch'ins ha pudì tiers a la duana avevan 105 traguttì las drogas. S'augmentads marcantamain l'onn passà èn er ils cas da dimoras illegalas. Il 2012 ha il corp da guardias da cunfin fermà 10 965 persunas al cunfin ch'èn vegnidas illegalmain en Svizra u en il spazi da Schengen – quai è prest il dubel dal 2011.



L'administraziun da duana federala ha incassà l'onn passà 23,77 milliardas francs.